

Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolae per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

Consi. de indifferentia.

[urn:nbn:de:hbz:466:1-48834](#)

hierotheca ejaceret, & ejus loco stercus reponeret; cur ergo tu, ejecto DEO ex corde, voluptatum stercus illius loco imponere non erubescis?

5. Si pudet sapere cum vulgo hominum, cur non magis pudet vivere cum vulgo bestiarum, & cum porcis in luto voluptatum voluntari?

6. Quid diceres de eo, qui stercora avidè appeteret, & deglutiret: an non insanire eum crederes? cur ergo tu voluptates, quas S. Paulus & alij viri sancti ut stercora aestimabant, & aversabantur, tam cupidè queris?

7. Angeli felicissimè vivunt, & tamen omnibus terrenis voluptatibus carent, cur non & tu abstines ab illis, ut in Angelorum conditionem transfas? quæ per aeternitatem non desideraturus es, & eris beatus, potes modò non eupere, & non eris miser.

8. Aeger corpore fastidit omnes voluptates, & aversatur, cur non idem possit is, qui mente sanus est? an forte non poterit robur gratia, quod potest vitium naturæ?

CONSIDERATIO

DE INDIFFERENTIA.

Viator non quæ jucundior fit via, sed quæ rectior, quæ rit; cur ergo non & tu eam viam ad perfectionem & celum, quæ rectior, id est, DEI voluntati conformior est, quæris, omissâ cå, quæ tibi jucundior videtur?

2. Si unum omnes Christiani & Religiosi corpus sunt, cur pedis officium subire refugis? an non pedem æquè ac caput Sancti alicujus veneramus?

3. In Comœdia non qui digniorem Personam repræsentat, sed qui melius suam, quæcunque tandem illa sit, Personam agit, potior & laudabilior censetur; cur ergo tu non potius labores, ut Personam tibi commissam bene sustineas, quam ut alia tibi, eaque dignior committatur? an nescis plerumque in Comœdijs Mendicos & Rusticos magis delectare & placere?

4. Si preciosum liquorem continent facilius vasa vitrea, aut terrea; cur tu, qui DEO es vaselectionis, ut portes nomen ejus coram Gentibus, mavis aureus, id est, in dignitate &

T t 3

aestim-

æstimatione constitutus, quām per humilitatem vili, siq[ue] adèò aptior ad nomen DEI portandum existere?

5. Ut cera imaginis formam suscipiat, molleia esse oportet; quomodo tu speras, in Christum te per imitationem tuam formandum esse, si per indifferentiam mollescere non possideas?

6. Reliquiae Sanctorum non minori veneratione dignificantur, si in inferiori, quām aliæ gradu collocentur; cur ergo tu tam sollicitè altiore officiorum & dignitatum gradum affectas? cur non potius studes crucifixum Christum representare? sic enim etiam in infimo gradu positus alijs prefereris.

7. Nihil differt, an ægrum in ligneo lecto, an in summa colloces, quia, quocunque transtuleris, morbum suum secum transfert; cur ergo tu non morbum potius curare satigas, quām locum & officia mutare?

8. Planta non facilè convalescit, quæ sepiùs transferuntur; quomodo tu sperabis in Spiritu proficere, si locum & officium perpetuè mutes? an non & hīc applicari potest notum illud: qui multūm peregrinantur, raro sanctificantur?

C O N S I D E R A T I O

DE MINIMORUM ÆSTIMATIONE.

1. IN nulla re magis Artifices artem suam demonstrant, quām in minimis; cur ergo non & tu per minimorum officiorum electionem & amorem ostendere conaris, quantum in perfectione profeceris?

2. Si omnia æstimantur ex animo & magnitudine illius cui offeruntur; cur tu minima non magni æstimas, quæ Maximo DEO offers, & maximo, si volueris, affectu offert?

3. Gemmario de gemmæ pretio judicanti, etiam communum judicium, assentiris; cur non & Christo minima que, & vilissima summè æstimanti perinde fidem adhibes?

4. Si is, qui separat pretiosum à vili, quasi os DEI efficit Jeremias c. 15. loquitur, cur tu pretiosa officia & similia non separas spernendo, & vilia eligis, ut osculum DEI & amorem mercaris?